

**FEDERATA E BOKSIT
E KOSOVËS**



**BOXING FEDERATION
OF KOSOVA**

Në bazë të nenit 30 nënpika 10 e Statutit të Federatës të Boksit e Kosovës, Bordi i FBOXK-se, në mbledhjen e vet të mbajtur më 18.06.2022 miratoi këtë:

RREGULLORE

Rregulloren e Anti-Dopingut;

PRISHTINE 18.06.2022

**FEDERATA E BOKSIT
E KOSOVËS**



**BOXING FEDERATION
OF KOSOVA**

Dispozitat e pergjitheshme

Neni 1

Me rregulloren e masave për preventivë dhe parandalim të përdorimit të dopingut (në tekstin e mëtejshëm: Rregullore) përcaktohen masat dhe aktivitete për preventivë dhe parandalim të përdorimit të dopingut, si dhe procedurat e masave disiplinore në rastet e përcaktuara të përdorimit të dopingut tek garuesit.

Neni 2

Dopingu është i ndaluar. Dopingu është një ose më shumë shkelje e rregullave të anti-dopingut. Shkelja e rregullave anti-doping ekziston në rastet e përcaktuara në nenin 81 të ligjit të sportit.

Federata e Boksit të Kosovës është e detyruar të sigurojë, brenda kompetencave të saj që për garuesit, trajnerët dhe personat tjerë, për të cilët është përcaktuar (krijuar, vërtetuar) përgjegjësi për doping, që të merren masat e duhura, në pajtim me Ligjin për parandalimin e dopingut në sport dhe rregullat e Organizatës përkatëse të Anti-Dopingut, ose rregullat e Agjencisë Botërore Anti-Doping, IBA dhe kësaj rregulloreje.

Neni 3

Të gjithë garuesit dhe pjesëmarrësit e tjerë në kryerjen e veprimtarive dhe aktiviteteve sportive brenda FBOXK janë të obliguar të lejojnë dhe mundësojnë kryerjen e kontrollit të dopingut.

Garuesit që refuzojnë, nuk marrin pjesë, shmangen ose pamundësojnë kontrollin e dopingut, do t'ju shqiptohet masa për shkelje të rregullave anti-doping sikur të ishte pozitiv në testin e dopingut, dhe në rast të përpjekjes së tillë, atij mund ti përcaktohet masa edhe nëse testi i dopingut është negativ.

Neni 4

Garuesi është i detyruar të informojë mjekun i cili është duke e trajtuar atë në lidhje me detyrimin e tij për të mos përdorur substanca dopingut dhe për tu siguruar se çdo terapi mjekësore e përdorur nuk përmban substanca dopingut. Nëse terapia e përdorur përmban substanca dopingut, garuesi është i obliguar që ti drejtohet Komisionit Anti-Doping të FBOXK me kërkesë për miratimin e përjashtimeve për përdorim terapeutik.

Në këtë drejtim FBOXK do të njoftoj garuesit me të drejtën dhe detyrimin për të kërkuar nga Komisioni Anti-Doping i FBOXK që t'ju liroj ndalesën e përdorimit të substancave të dopingut, në rastin kur ekziston një nevojë e qartë dhe e domosdoshme mjekësore.

**FEDERATA E BOKSIT
E KOSOVËS**



**BOXING FEDERATION
OF KOSOVA**

Neni 5

Kontrolli i dopingut në Kosovës kryhet sipas rregullave të përcaktuara nga Komisioni AntiDoping i KOK-ut, kurse në rastet kur kontrolli i dopingut bëhet në garat ndërkombëtare - nën menaxhimin e IBA-së dhe sipas rregullave të tyre.

Kontrolli i dopingut mund të organizohet në garë ose jashtë garës, me paralajmërim dhe pa paralajmërim, dhe kryhet me marrjen e mostrave të urinës dhe të gjakut, ose duke aplikuar teknika të tjera të autorizuar për zbulimin e substancave dhe metodave të ndaluara, ekskluzivisht nga kontrollorët e autorizuar dhe të kualifikuar.

Neni 6

Federata e boksit të Kosovës do të përcaktojë me një vendim të veçantë personin përgjegjës për monitorimin e zbatimit të masave për parandalimin e dopingut në FBOXK.

Neni 7

Kur në procesin e kontrollit të dopingut krijohet një shkelje e rregullave anti-doping, personi përgjegjës për monitorimin e zbatimit të masave për parandalimin e dopingut brenda FBOXK-së, do të takoj garuesin me të drejtën që pa vonesë, dhe jo më vonë se 7 ditë, të kërkojë analizën e mostrës "B" me shpenzimet e tij, me të drejtën që të marrë pjesë personalisht ose avokatit në praninë e tij në hapjen dhe analizimin e mostrës "B", me shpenzimet e veta, me të drejtë të kërkojë kopjet e dokumentacionit laboratorik të mostrës "A dhe B", e cila përmban informacionin e kërkuar nga Standardi Ndërkombëtar për analiza laboratorike dhe të drejtë që të jetë në formë të shkruar komentimi mbi rrethanat e rastit aktual (konkret).

Nëse me analizën e mostrës "B" vërtetohet analiza e gjetjes së dëshmive e cila largohet prej asaj sa është e lejuar ose nëse lojtari shprehimisht apo në mënyrë të heshtur të heqë dorë nga e drejta e analizës së mostrës "B", do të fillojë procesi i marrjes së masave për personat përgjegjës për doping.

Neni 8

Rreth vendosjes së masave të akuzuarit që përballet me shkelje të rregullave anti-doping vendos në shkallë të parë komisioni i disiplinor i FBOXK-së.

Komisioni Disiplinor do të sigurojë që respekton personalitetin dhe të drejtën e mbrojtjes adekuate ligjore të personit përgjegjës për doping (respektimi i privatësisë, kërkimi (hulumtimi) me kohë, garantimi i të drejtës për një shpjegim ligjor, gjykim të drejtë dhe të paanshëm, të drejtën për një përfaqësues ligjor në shpenzime personale, lejimi i shikimit të dokumenteve, dosjet e dëshmive. pajtueshmëria me standardet në aspektin e dëshmisë së dopingut, informimi me kohë, vendimi dhe me arsyetimi me shkrim në kohë, të drejtën e ankimit, etj).

Ligjshmërinë dhe rregullsinë e procedurës e merr parasysh personi përgjegjës për monitorimin e zbatimit të masave për parandalimin e dopingut në FBOXK.

**FEDERATA E BOKSIT
E KOSOVËS**



**BOXING FEDERATION
OF KOSOVA**

Neni 9

Masat e shqiptuara për shkelje të rregullave anti-doping janë:

diskualifikim i rezultateve sportive;

suspendim i përkohshëm;

ndalimi për të marrë pjesë në garat;

Ndalimi për të kryer funksione në fushën e sportit në periudhë kohore, sipas kushteve dhe në përputhje me ligjin e sportit.

Neni 10

Vendimi i komisionit disiplinor do t'i dorëzohet IBA dhe komisionit Anti-Doping.

Neni 11

Nëse FBOXK-ja nuk vendosë masa për shkelje të rregullave anti-doping brenda një viti prej kur me analizën e mostrave të marra është treguar se garuesi është stimuluar (dopinguar), në shkelje të rregullave anti-doping vendos në shkallë të parë Komisioni Anti-Doping.

Neni 12

Nëse në shkeljen e rregullave anti-doping vendos Komisioni Anti-Doping ka të drejtë të caktojë një ekspert i cili do të ndihmojë lojtarët në proces dhe t'ju japë këshilla kur është e nevojshme.

Neni 13

Federata e Boksit të Kosovës nuk do të njohë një rezultat sporti në arritjen e të cilit ka marrë pjesë garuesi i stimuluar (dopinguar).

Neni 14

Federata e Boksit e Kosovës nuk do të lejojë pjesëmarrjen në ngjarje sportive një garuesi i cili është dënuar me masë për shkak të dopingut.

Neni 15

Federata e Boksit e Kosovës është e obliguar që të rregullojë procedurën për njohjen e ndërsjellë të suspendimit dhe masave të tjera të vendosura nga shoqatat e tjera sportive në vend dhe jashtë vendit dhe për të siguruar që FBOXK i përmbahet masave të shqiptuara dhe suspendimit.

Neni 16

Federata e Boksit e Kosovës do të miratojë një program të veprimit antidoping.

**FEDERATA E BOKSIT
E KOSOVËS**



**BOXING FEDERATION
OF KOSOVA**

Neni 17

Federata e Boksit e Kosovës është e obliguar për të siguruar përcjelljen e vazhdueshme individuale mjekësore të sportistëve elitari, dhe për këtë qëllim do të nxjerrë aktet e nevojshme dhe për të marrë masa konkrete.

Neni 18

Federata e Boksit e Kosovës të paktën një herë në vit do të informoj dhe edukoj anëtarët e saj dhe lojtarët me rregulloret aktuale në lidhje me dopingun në sport dhe efektet e dëmshme për shëndetin, kur përdoren substancat e dopingut.

Neni 19

Të gjithë anëtarët e Federatës së Boksit të Kosovës janë të detyruara të respektojnë detyrimet që rrjedhin nga zbatimi i masave për të luftuar dopingun në sport.

Neni 20

Federata e Boksit e Kosovës është e obliguar të shkurtoj pjesërisht ose plotësisht financimin e lojtarit, organizatave sportive dhe subjekteve tjera që nuk përputhen me rregullat ekzistuese anti-doping, si dhe nuk kontrollojnë programet anti-doping të anëtarëve të saj dhe zbatimin e këtyre programeve.

Neni 21

Federata e boksit e Kosovës do të informojë Ministrinë përgjegjëse për sport dhe me formimin e Agjencisë Anti-Doping mbi masat për të luftuar dopingun të ndërmarra gjat vitit.

Neni 22

Federata e Boksit e Kosovës me formimin e Agjencisë Anti-Doping mund t'i propozojë për të kryer kontrollin në garat e caktuara apo kontrollin jashtë garës së ekipeve të caktuara grupeve të treningut apo lojtarëve individual.

Neni 23

Federata e boksit e Kosovës do të njoftoj garuesit - anëtarët e grupit kombëtar të regjistruar të testimit, me obligimin që Agjencisë Anti-Doping të Kosovës kur të formohet dhe të personit përgjegjës për monitorimin e zbatimit të masave për të parandaluar dopingun, rregullisht dhe me saktësi ti informojnë në lidhje me vendndodhjen dhe qasjen, përmes formës së ashtuquajtur "whereabout" për lokacionin, në përputhje me rregulloret e dopingut në garat sportive dhe jashtë garës.

**FEDERATA E BOKSIT
E KOSOVËS**



**BOXING FEDERATION
OF KOSOVA**

Neni 24

Federata e boksit e Kosovës rregullisht do të informojë anëtarët e saj dhe garuesit për list e referimit të substancave të ndaluara.

Neni 25

Kjo rregullore, si dhe çdo ndryshim i saj eventual i mëvonshëm do të dorëzohen në Ministrinë përgjegjëse të sportit dhe komisionit anti-doping të FBOXK brenda 15 ditëve nga data e hyrjes në fuqi.

Neni 26

Kjo rregullore hyn në fuqi në ditën e miratimit të saj.

Kryetari i FboxK-së
Enver Krasniqi



Prishtinë më 18.06.2022